




Ibadah Keluarga  
GBKP

Senin, 15 Juni 2020



# “Cara Dibata Nehken Keleng AteNa”

(Keluaren 14:15-18)



## 1. Persikapan

- Kerina anggota jabu pulung ibas sada ingan/ruangen. Persiapkan Pustaka Sibadia ras perlengkapan sidebanna.
- Adi lit anggota jabu si beluh ermusik, banci mengiringi ende-enden pujin.
- Tentukan petugas ibas kebaktin keluarga enda.
- Adi lit ende-enden silenga ieteh, banci isambari alu enden-enden sidebanna.

## 2. Rende KEE.92:1 “ Kam Kap Lalap Man Ikutenku” (ibabai Anak jabu)

Kam kap lalap ma ikutenku, Yesus Kam Penebusku.  
 Kam kap lalap penundalenu, Yesus Kam Penawarku  
 lalemi Kam dosangku, maka senang tendingu.  
 Kam kap lalap penalemenku, Yesus Kam Penebusku.

\*lagu dapat diganti dan disesuaikan

## 3. Ertoto Guna Renungen ( ibabai Nande jabu)

## 4. Renungen (ibabai Bapa jabu)

Ogen : Keluaren 14:15-18

Tema : “Cara Dibata Nehken Keleng AteNa “

Mbue hal siterjadi paksa enda singajuk kita mau tidak mau arus merubah perilakunta. Adi nai meriah siakap pulung-pulung enda sikesampingken lebe, adi mbare kujapape kita sangsi adi la maba sen genduari sangsi adi la maba masker ras pembersih tan (hand sanitizer), adi mbare langlang siakap kentsik-kentsik ngadi adi genduari ajar bancina kita ngadi guna nuci tan. Tempa-tempa situasi enda erbahan kita latih kel sabab arus nginget-ninget protokol kesehatan.

Bangsa Israel pe latih akapna, bahkan enggo jumpa dalam buntu pe akapna (Lht. Kel 14:11), erkiteken situasina iayak-ayak Raja Firaun ras tenterana bagepe kalak Mesir. Tapi erkiteken kiniteken Musa sitetap mpegegehi Bangsa Israel gelah tek nandangi Kuasa Tuhan, emaka Tuhan pe nehken caraNa si luar biasa lako nelamatkan Bangsa e.



Musa ndatken kepercayaan ibas Tuhan nari lako memimpin Bangsa Israel jannah Musa ngikutken perintah Tuhan alu ngangkat cikenna jannah natangsa ibabo lawit gelah terbelah launa jenari banci kalak Israel erdalan arah tengah lawit ibabo taneh kerah. Keleng ate Tuhan tetap isehkenNa alu caraNa. Sipenting ije ula lit kesangsingta kerna Kuasa Tuhan, jannah ula ka belinen sura-suranta guna Tuhan nehken keleng ateNa alu caranta tapi alu cara Tuhanlah min. Cara Tuhan e la nanggunggi, sabab arah cara Tuhan ije pe ate Tuhan menyadarken kalak Mesir maka IA kap Tuhan.

Arah renungenta siinget mulihi kerna ulih kiniteken e la sia-sia bagi kiniteken Musa. Seh maka arah kiniteken e teridah Kuasa Tuhan silalit duana sabab cara Tuhan nehkenca tuhu unik luar biasa. Marilah kita kerina kekelengen Tuhan, sipebelin-belin kinitekenta kempak IA ibas segala situasi paksa pandemi covid-19 ntahsa enggo gia kari lesap covid-19 enda, susah entah senang, sehat entah sakit, paksa aman ekonominta ntahsa paksa darurat ekonominta, paksa kena erga ulih sinuanta ntahsa paksa la kena erga, paksa lancar pelayananta ntahsa paksa terhambat pelayananta, paksa mbue untung binaganta ntahsa paksa lalit untungta, sabab kerina e tetap iperhitungken Tuhan si erkuasa e. Kita tetap ibas usaha ras kesabarenta nimai Tuhan ncidahkan keleng ateNa alu CaraNa. Tetap semangat jannah metenget.

## 5. Ertoto Kenca Renungen (Ibabai Bapa jabu)

## 6. Rende KEE. 75:1-2 “ Tetapkenlah Ukurta” (ibabai Nande jabu)

Tetapkenlah ukurta, ngikutken Yesus e  
Sigelemlah pedahNa, tutus ateta pe  
Piher tendinta pe, ban IA penalemen  
Kesusahen i doni, talu ibanNa pe.

Pertibi enda masap, isina k’rina pe  
Nggo ndeher kedungenna, paksana seh me pe  
Tujunta k’rina min, ku Surga rumah Bapa  
Ije me ingan senang, ras Tuhan lalap je.

\*lagu dapat diganti dan disesuaikan



## 7. Pertoton Syafaat (ilakoken secara peganci-ganci)

**Nande** : Notoken kerna seisi jabuna ras keluarga

**Anak** : Notoken kerna orangtuana ras kiniersadan jabu

**Bapa** : Notoken Bangsa, Gereja, Tim medis, ras pasien  
Covid-19

## 8. Rende KEE. 182:1,2,4 “O Tuhan Kam Tetap” (ibabai Anak jabu)

O Tuhan Kam tetap, tedehku man baNdu.

Arap ku lalap Kam, nemani geluhku.

**Reff:** O Tuhan rasa lalap, geluh ku temani

Ola tadingken aku, ras Kam tetap

O, Tuhan Kam tetap, ajarilah aku

Lah kai pe si kuban, mehuli man baNdu

**Reff.:**

O, Tuhan Kam tetap, pegegeh aku min

Lah k'rina percuban, alu gelah kuban.

**Reff. :**

\*lagu dapat diganti dan disesuaikan

## 9. Pertoton Tuhan. (ibabai Bapa jabu)